



Cyf-gyngor  
Cymwysterau

AQA

City & Guilds

CCEA

Edexcel

OCR

SQA

CBAC

**Cynhyrchwyd ar ran: AQA, CCEA, Edexcel, OCR a CBAC**

## **Hysbysiad i Ganolfannau**

### **Cyhoeddi canlyniadau o fis Tachwedd 2010 ymlaen**

#### **Cyflwyniad**

Mewn blynyddoedd diweddar bydd swyddogion arholiadau wedi gweld bod mwy a mwy o bwyslais ar wasanaethau ar y we i ymdrin â holl agweddau gweinyddiaeth arholiadau, gyda chyrrff dyfarnu'r CGC yn ychwanegu mwy a mwy o'r adnoddau hyn at eu safleoedd allrwyd. Datblygwyd teclynnau ar-lein, sydd i'w cyrchu trwy safleoedd allrwyd y cyrrff dyfarnu, ac mae'r rhain yn galluogi i'r canolfannau brosesu trefniadau mynediad, archebu papurau addasedig, creu amserlenni ar-lein addasedig a chalendrau dyddiadau allweddol.

Mae mwy a mwy o swyddogion y swyddfa arholiadau bellach yn defnyddio gwasanaethau ar y we i gyflawni tasgau gweinyddol yn gyflym ac yn rhwydd, gan olygu bod prosesau gweinyddu di-bapur a swyddfa arholiadau fwy effeithlon.

Rydym yn ymwybodol bod nifer sylweddol o ganolfannau eisoes yn defnyddio'u pecynnau MIS i gynhyrchu eu datganiadau canlyniadau eu hunain neu i gyrchu data arholiadau trwy safleoedd allrwyd y cyrrff dyfarnu, yn enwedig o gofio'r dadansoddiadau canlyniadau ar-lein bydd mwyafrif y cyrrff dyfarnu'n awr yn eu darparu.

Oherwydd hyn, ac ar ôl ystyried yn ofalus, cytunodd cyrrff dyfarnu'r CGC, i fod yn weithredol o gyfres TGAU Tachwedd 2010, y bydd y canlyniadau ond yn cael eu cyhoeddi i'r canolfannau ar ffurf electronig.

## **Pam rydym yn symud tuag at e-ganlyniadau a sut mae'r canolfannau a'r ymgeiswyr yn elwa o hynny?**

### **Gwybodaeth amser real am y canlyniadau**

- 'Ciplun' pythefnos oed o wybodaeth rheoli a chanlyniadau ymgeiswyr yw'r system copi caled bresennol. Mae'r rhain yn ddata a allai newid cyn dyddiad rhyddhau'r canlyniadau ac yn aml bydd angen eu diweddarau ar ôl yr adeg hon oherwydd defnydd cynyddol y gwasanaeth ardystio hwyr.
- mae e-ganlyniadau'n gyswllt mwy dynamig â data'r cyrff dyfarnu ac felly'n ffordd llawer fwy effeithiol o gwrdd â gofynion yr amgylchedd asesu unedol, modern.

### **Llai o weinyddiaeth i swyddogion arholiadau**

- Mae cyfran fawr o'r canolfannau'n elwa eisoes o ddefnyddio systemau electronig i gynhyrchu slipiau canlyniadau cyfansawdd cyffredin, sy'n dangos y canlyniadau a gyhoeddir gan yr holl gyrff dyfarnu. Mae hyn felly'n lleihau'r angen i goladu'r wybodaeth â llaw gan yr holl gyrff dyfarnu.
- Nid oes angen rheoli diweddariadau canlyniadau copi caled sy'n parhau i ddod gan y cyrff dyfarnu.

### **Manteision clir i'r ymgeiswyr**

- Bydd y rhan fwyaf o ganolfannau'n gallu darparu un datganiad o ganlyniadau cyfansawdd, sy'n dangos y canlyniadau a gyhoeddwyd gan y cyrff dyfarnu i gyd.
- Bydd yn bosibl i'r holl ganolfannau gyfnewid ar unwaith unrhyw ddatganiadau o ganlyniadau sydd ar goll neu wedi'u difrodi neu i ddarparu datganiad o ganlyniadau wedi'i ddiweddarau.

### **Hyblygrwydd o ran cyhoeddi'r canlyniadau**

- Cyfyngir ar y system gyfredol o gopiâu caled gan fod angen argraffu, coladu a danfon canlyniadau.
- bydd e-ganlyniadau'n caniatáu mwy o hyblygrwydd o ran cyhoeddi'r canlyniadau. Yn draddodiadol cyhoeddwyd canlyniadau i'r ymgeiswyr ar ddydd Iau. Bydd y cyrff dyfarnu'r ystyried yr hyn sydd well gan y canolfannau o ran ar ba ddiwrnod yr wythnos y dylid rhyddhau'r canlyniadau.

### **Technoleg newydd – bydd gwell data canlyniadau i'w cael trwy well safleoedd allrwyd**

- Y cyfleuster i ddyblygu data canlyniadau copi caled sy'n bodoli, lle y dymunir gwneud hynny.

- Mae pob corff dyfarnu wedi ymrwymo i barhau i fuddsoddi'n sylweddol yn eu safleoedd allrwyd.

## **Mae'n ffordd fwy gwyrdd o wneud pethau gan leihau'r ôl-troed carbon**

- Bydd llawer llai o bapur yn cael ei gludo.
- Bydd llai o bapur yn cael ei ddefnyddio, gan fod y canolfannau'n cael dewis yr hyn maent am ei argraffu.

## **Pa bryderon mae'r canolfannau wedi'u mynegi wrthym?**

*Mae'r cyrff dyfarnu'n trosglwyddo'r costau i'r canolfannau*

Bydd unrhyw arbedion ar ran y cyrff dyfarnu'n cael eu buddsoddi mewn system EDI newydd i'r 21<sup>ain</sup> ganrif, bydd safleoedd allrwyd yn parhau i gael eu gwella a bydd technoleg yn cael ei defnyddio i gefnogi mentrau e-asesu ac e-brosesu ymhellach.

*Bydd angen mwy o weinyddu yn y canolfannau*

Ni fydd angen mwyach i'r rhan fwyaf o'r canolfannau reoli copïau caled o'r datganiadau canlyniadau gan gyrff dyfarnu lluosog – bydd e-ganlyniadau'n system llawer llai cymhleth i drin canlyniadau.

Yn wir dangosodd ymchwil yn ddiweddar bod oddeutu 86% o'r canolfannau eisoes yn defnyddio'u pecyn MIS i gynhyrchu un datganiad o ganlyniadau cyfun.

*Mae angen i'r ymgeiswyr gynhyrchu datganiadau o ganlyniadau swyddogol y cyrff dyfarnu wrth ymrestru mewn coleg Chweched Dosbarth neu Goleg AB*

Gan na fydd datganiadau o ganlyniadau swyddogol y cyrff dyfarnu ar gael mwyach o fis Tachwedd 2010, bydd y colegau'n dod i arfer gweld canlyniadau wedi'u cymeradwyo gan y canolfannau, e.e. canlyniadau wedi'u hargraffu ar bapur pennawd y ganolfan a/neu wedi'u stampio. Os oes amheuaeth, unwaith y cyhoeddir y tystysgrifau gellir gofyn amdanynt gan yr ymgeisydd.

*Beth os yw cysylltiad rhyngrwyd fy nghanolfan yn methu?*

Os bydd angen, gellir cyrchu safle allrwyd corff dyfarnu o leoliad diogel arall, e.e. swyddfa'r Awdurdod Lleol. Anfonir y canlyniadau trwy fwy nag un dull electronig – trwy safleoedd allrwyd diogel y cyrff dyfarnu ac EDI, felly bydd gan y canolfannau gyfrwng wrth gefn. Yn ogystal, mae gan y cyrff dyfarnu drefniadau wrth gefn yn eu lle os nad yw'r rhan fwyaf o'r dewisiadau confensiynol ar gael.